

“ पञ्चा नराणां रतनं ”

# त्रिरत्न पूजा व पञ्चशील

(मूल पालिसहित नेवा भाषां अनुवाद)

वैशाख  
पूर्णिमा  
खुनु

बुद्धत्त्व  
प्राप्ति



जन्म

महारि  
निर्वाण

सम्पादक — भिक्षु धर्मलोक

युगपुस्तक — वैशाख शुक्ल पूर्णिमाखुनु बुद्ध, धर्म, संघ  
वसपोलपिन्त श्रद्धाञ्जलीं समर्पण ।

बुद्ध सम्बत् २४६८

स्वयम्भू आनन्दकुटी



# विषय-सूची

विषय.	पौन्या.
१, बुद्ध वन्दना ... ..	१.
२, धर्म वन्दना ... ..	४.
३, संघ वन्दना ... ..	७.
४, नीर पूजा ५, पुष्प पूजा	११.
५, धूप पूजा ... ..	१२.
७, प्रदोष पूजा ८, भोजन पूजा	१३.
९, व्यञ्जन पूजा १०, फल मूल पूजा	१४.
११, त्रि चैत्य वन्दना ... ..	१४.
१२, क्षमा याचना १३, प्रार्थना	१५.
१४, मैत्री भावना ... ..	१६.
१५, ज्ञातिपिन्त पुण्यदान ... ..	१६.
१६, देवतापिन्त पुण्यदान ..	१६.
१७, मङ्गल सुत्त ... ..	२१ .
१८, पञ्चशील व दुशीलया फल ...	२४.



# त्रिरत्न पूजा

बुद्ध वन्दना

नमो तस्स भगवतो अरहतो सम्मासम्बुद्धस्स ।

इतिपि सो भगवा अरहं सम्मा सम्बुद्धो  
विज्जाचरण सम्पन्नो सुगतो लोकविद् अनुत्त-  
रो पुरिसदम्म सारथी सत्था देव-मनुस्सानं  
बुद्धो भगवा'ति ।

नमो तस्स सम्मासम्बुद्धस्स ।

अर्थ सहित बुद्ध वन्दना —

( इतिपि सो भगवा ) इत्यादि गुणं युक्त जुया  
विज्जाकह्म भगवान् । ( अरहं ) गुबलें हे गुप्त पाप  
मयाइह्म, ब्रह्मादि देव मनुष्य पिसं पूजा यां योग्य  
जुया विज्जाकह्म । राग, द्वेष मोह यात हरण यात्ता



विज्याकह्य । ( सम्मासम्बुद्धो ) दुक्ख सत्य, दुक्ख  
समुदय सत्य, दुक्खनिरोध सत्य, दुक्खनिरोध गा-  
मिनी प्रतिपदा सत्य, अथ प्यंगू आर्यसत्य यात यथार्थ  
थे स्वयं बोध जुया लोकजन पिन्तनं बोधयाना विज्यां  
फुह्य । ( विज्जाचरण सम्पन्नो ) पूर्वेनिवासानुस्मृति  
आदि स्वंगू विद्या वो इन्द्रिय संवरादि किन्त्यागू  
आचरण धर्म संपूर्ण जुया विज्याकह्य । (सुगतो) शो-  
भनगु गमनागमन याना विज्याकह्य, उत्तम शान्तगु  
निर्वाणया पथे गमन याना विज्याकह्य । (लोकविदू)  
सत्त्व आदि स्वंगू लोक यात यथार्थ थे सिया विज्या-  
कह्य । ( अनुत्तरो ) शील समाधि प्रज्ञा गुणं उत्कृष्ट  
जुया विज्याकह्य । ब्रह्मादि सकल सत्त्वपिनि मध्ये  
श्रेष्ठजुया विज्याकह्य । ( पुरिस दम्म सारथी ) वेनेय्य  
पुरुषपिन्त दमन यांया नितिं सारथी समान जुया-  
विज्याकह्य । ( सत्था देव मनुस्सानं ) देवमनुष्यपिन्त  
अनुशासन यास्य । ( शास्ता ) आचार्य जुया विज्या-



कहा । (बुद्धो) अविद्यारूपी अन्धकारे सर्वप्रथम  
ज्ञानरूपी मत च्याका बिड्याकहा, चतुरार्य सत्य ज्ञान  
यात बोध जुया बिड्याकहा । (भगवा) राग, द्वेष,  
मोह यात निर्मूल यांना संसारया दुक्खं मुक्त जुया  
बिड्याकहा, नाना प्रकारयागु धर्मादि भोग सम्पत्ति  
द्वारा भाग्यवान् जुया बिड्याकहा । (नमोतस्स सम्मा-  
सम्बुद्धस्स) थुजो २ गु अनन्तगुणं युक्त जुया बिड्या-  
कहा, वसपोल सम्यक्सम्बुद्ध भगवान् यात—  
काय, वाक, चित्तं सादर नमस्कार यांना ।

ये च बुद्धा अतीता च ये च बुद्धा अनागता ।  
पच्चुप्पन्ना च ये बुद्धा अहं वन्दामि सब्बदा ॥  
नत्थि मे सरणं अज्जं बुद्धो मे सरणं वरं ।  
एतेन सच्च वज्जेन होतु मे जय मङ्गलं ॥  
उत्तमङ्गेन वन्देहं पादपंगु वरुत्तमं ।  
बुद्धो यो खलितो दोसो बुद्धो खमतु तं ममं ॥



बुद्धं जीवितपरियन्तं सरणं गच्छामि ।

अर्थ— गुपीं हापा जुया बिज्यां धंकुपीं बुद्धपीं  
खः, गुपीं लिपा जुया बिज्याइपीं बुद्धपीं खः, गुपीं  
आः दुपीं बुद्धपीं खः वसपोलपीं सकल बुद्धपिन्त  
जि सदाकालं वन्दना याना ।

बुद्ध छह बाहिकं मेपि जित शरण महु, थुगु  
सत्य वचन यागु प्रभावं जित जय—मङ्गल उवीमा ।

वसपोलया तुति पाली चवंगु 'धू' यातनं जिं श्रे-  
ष्ठोत्तम भापा शिरं वन्दना याना, बुद्ध भगवान् या  
प्रति अज्ञान वश यदि जिं छुं अपराध याना तयागु  
दुसा उकी जित बुद्ध भगवानं दमायाना बिज्याहूँ ।

जीवनकाच्छि ( जि ) बुद्ध या शरण वने ।

धर्म वन्दना

स्वाक्खातो भगवतो धम्मो सन्दिट्ठिको,  
अकालिको, एहिपस्सिको, ओपनयिको पच्चत्तं



वेदितब्बो विज्जूही'ति ।

नमो तस्स निय्यानिकस्स धम्मस्स ।

अर्थ सहित धर्म वन्दना—

( स्वाक्खातो भगवतो धम्मो ) बांलाक पद  
 वयञ्जन मिलेज्जीक देशना यानातःगु वसपोल भग-  
 वान यागु धर्म खः । ( सन्दिट्टिको ) सन्दृष्टिक-थन  
 या थनं हे फल दायकगु । ( अकालिको ) समय वि-  
 ते मज्जीक हे फल प्राप्त ज्जीगु अर्थात् तदनन्तर हे  
 प्रत्यक्ष फलदैगु । ( एहि पस्सिको ) 'थन सोवा'  
 धका सकल यातनं सःता कयने योग्यगु । ( ओप-  
 नयिको ) निर्वाण पाखे हे थ्यंकः यंकैगु । ( पच्चत्तं  
 वेदितब्बो विज्जूहि ) विज्ञ परिडत जनपिसं थःथमं  
 तं अनुभव याना थ्वीके फैगु वसपोलया धर्म ।  
 ( नमो तस्स निय्यानिकस्स धम्मस्स ) थुजो २ गु गुणं  
 युक्तगु निर्वाणे थ्यंक यंकैगु उगु धर्म यात कया,



[ ६ ]

वाक, चित्तं सादर नमस्कार याना ।

ये च धम्मा अतीता च ये च धम्मा अनागता ।

पच्चुपन्ना च ये धम्मा अहं वन्दामि सब्बदा ॥

नत्थि मे सरणं अज्जं धम्मो मे सरणं वरं ।

एतेन सच्चवज्जेन होतु मे जय मङ्गलं ॥

उत्तमज्जेन वन्देहं धम्मश्च दुविधं वरं ।

धम्मे यो खलितो दोसो धम्मो खमतु तं ममं ॥

धम्मं जीवितपरियन्तं सरणं गच्छामि ।

अर्थ— गुगु हापा दुगु (बुद्धया) धर्म खः, गुगु  
लिपा दैगु (बुद्धया) धर्म खः, गुगु आः दुगु (बुद्ध-  
या) धर्म खः व फुकं धर्म यात जिं सदाकालं वन्द-  
ना याना ।

बुद्धया धर्म बाहिकं मेगु जित शरण मदु, थुगु  
सत्य वचन यागु प्रभावं जित जय-मङ्गल ज्वीमा ।



निगु प्रकारं श्रेष्ठोत्तमगु धर्म यातनं जि शिरं  
वन्दना याना' धर्म यागु प्रति अज्ञान वश यदि जि  
छुं अपराध याना तयागु दुसा उकी जित धर्म दामा  
याना बिज्याहुँ ।

जीवनकाचिंछ ( जि ) धर्मया शरण बने ।

संघ वन्दना

सुपटिपन्नो भगवतो सावक संघो, उजु-  
पटिपन्नो भगवतो सावक संघो, जायपटिपन्नो  
भगवतो सावक संघो, सामीचिपटिपन्नो भग-  
वतो सावक संघो यदिदं चत्तारि पुरिसयुगा-  
नि, अट्टपुरिस पुग्गला, एस भगवतो सावक  
संघो, आहुयेयो, पाहुनेयो, दक्खिनेयो,  
अञ्जलि करणीयो अनुत्तरं पुज्जस्सेत्त लोक-  
स्सा'ति ।



[ = ]

नमो तस्स अट्टारिय पुग्गल महा संघस्स ।

अर्थ सहित संघ वन्दना—

( सुपटिपन्नो भगवतो सावक संघो ) बांलाक  
धर्माचरण याना विज्याइपीं भगवानया श्रावक  
संघपीं । ( उजुपटिपन्नो भगवतो सावक संघो )  
तप्यंगु धर्म मार्गे विज्याकपीं भगवानया श्रावक संघ-  
पीं । ( वायपटिपन्नो भगवतो सावक संघो ) निर्वाण  
पद प्राप्तज्वीगु मार्गे विज्याकपीं भगवानया श्रावक  
संघपीं । ( सामीचिपटिपन्नो भगवतो सावक संघो )  
धर्मे आदर तथा श्रद्धा पूर्वक आचरण याना विज्या-  
पीं भगवानया श्रावक सङ्घपीं । ( यदिदं ) थुपीं सु  
धाःसा । ( चत्तारि पुरिस युगानि ) स्रोतापत्ति मार्ग-  
फल, सकृदागामि मार्ग-फल, अनागामि मार्ग-फल,  
अर्हत्त मार्ग-फल धैगु प्यंगू पद प्राप्त ज्वी धुंकुपीं  
प्यजो व्यक्तिपीं । ( अट्टपुरिस पुग्गला ) च्याह  
पुद्गलपीं । ( एस भगवतो सावक संघो ) ध्व



प्यजो (पुरुष, च्याह्य पुद्गलपीं हे भगवानया श्राव-  
क सङ्घपीं खः । ( आहुनेय्यो ) निमन्त्रण यां योग्य  
जुया बिज्याकपीं । ( पाहुनेय्यो ) सादर अतिथि  
माने यां योग्य जुयाबिज्याकपीं । ( दक्खिण्यो )  
श्रद्धातया खाद्यादि नानापदार्थ दान यां योग्य जुया  
बिज्याकपीं । ( अञ्जलि करणीयो ) लाहात जोजलपा  
नमस्कार यां योग्य जुया बिज्याकपीं । ( अनुत्तरं  
पुञ्जकखेत्तं लोकस्स ) लोकजनपिनि पुण्यरूपी पुसा  
पीत अतिकं उत्तमगु बुँ समान जुया बिज्याकपीं ।  
( नमो तस्स अट्ठारियपुग्गल महासंघस्स ) थुजो २  
गु गुणं युक्त जुया बिज्याकपीं वसपोल च्याह्य  
पुद्गल महासंघ पिन्त काय, वाक, चित्तं सादर  
नमस्कार नाना ।

ये च संघा अतीता च ये च संघा अनागता ।  
पच्चुपन्ना च ये संघा अहं वन्दामि सब्बदा ॥  
नत्थि मे सरणं अञ्जं संघो मे सरणं वरं ।



[ १० ]

एतेन सच्चवज्जेन होतु मे जय मङ्गलं ॥  
उत्तमङ्गेन वन्देहं संघश्च तिविधुत्तमं ।  
संघे यो खलितो दोसो संघो खमतु तं ममं ।

संघं जीवितपरियन्तं सरणं गच्छामि ।

अर्थ— गुपीं हापा जुया बिज्यां धुंकुपीं संघपीं  
खः, गुपीं लिपा जुया बिज्याइपीं संघपीं खः, गुपीं  
आः दुपीं संघपीं खः वसपोलपीं सकल संघपिन्त  
जि सदाकालं वन्दना याना ।

संघपि बाहिकं मेपि जित शरण मदु, थुगु  
सत्य वचनया प्रभावं जित उद-मङ्गल व्वीमा ।

स्वंगू प्रकारं श्रेष्ठोत्तम जुया बिज्याकपीं संघ  
पिन्तनं जि शिरं वन्दना याना, संघया प्रति अज्ञा-  
नवश यदि जि छुं अपराध याना तयागु दुसा उकी  
जित संघं क्षमा याना बिज्याहुं ।



[ ११ ]

जीवनकाच्छि ( जि ) संघया शरण बने ।

नीर-पूजा

अधिवासेतु नो भन्ते ! पानीयं उपनामितं ।

अनुकम्पं उपादाय, पटिगणहातु मुत्तम ॥

अर्थ— भन्ते ! छलपोलयात योग्यगु परिशु-  
द्धगु नीर ( जि ) चढेयाना । जिमिगु उपरे अनु-  
कम्पा-दयातया ग्रहण याना बिड गहुँ ।

पुष्प-पूजा

वरण गन्ध गुणोपेतं, एतं कुसुम सन्ततिं ।

पूजयामि मुनिन्दस्स, सिरीसाद सरोरुहे ॥

पूजेमि बुद्धं कुसुमेन नेन,

पुञ्जेन मेतेन च होतु मोक्खं ।

पुष्पं मिलायाति यथा इदम्मे,



कायो तथायाति विनास भावं ॥

अर्थ— सुन्दर वर्णगु तथा सुगन्ध युक्तगु  
थुगु स्वां तथागत श्री मुनीन्द्रया श्री चरणे ( जिं )  
पूजा याना ।

थुगु पुष्प द्वारा ( जिं ) बुद्धयात पूजायाना,  
थुगु पुण्यं जित मोक्ष लाभ ज्वीमा ।

गथे थ्व स्वां मलीन जुया सुखू चिना वनीगु  
खः अथे हे थ्व जिगु शरीरनं विनाश जुया वनी ।

धूप—पूजा

गन्धसम्भार युत्तेन, धूपेनाहं सुगन्धिना ।

पूजये पूजनेयानं, पूजाभाजनमुत्तमं ॥

अर्थ— गन्ध सम्भारं युक्तगु थ्व सुगन्धगु धूप  
द्वारा पूजायां योग्य जुया विज्याकक्ष सर्व श्रेष्ठ  
पूजनीय बुद्ध भगवानयात ( जिं ) पूजा याना ।



[ १३ ]

### प्रदीप—पूजा

घनसारप्पदित्तेन, दीपेन तम धंसिना ।  
तिलोकदीपं सम्बुद्धं पूजयामि तमोनुदं ॥

अर्थ — स्वंगू लोकेसनं ज्ञानरूपी मत जः  
प्रकाश याना विज्याकहा भगवान् बुद्ध यात थुगु  
अन्धकार विनाश याइगु प्रदीप द्वारा ( जिं )  
पूजा याना ।

### भोजन—पूजा

अधिवासेतु नो भन्ते ! भोजनं उपनामितं ।  
अनुकम्पं उपादाय पटिगएहातु मुत्तम ॥

अर्थ— भन्ते ! छलपोलयात योग्यगु उत्तमगु  
थुगु भोजन ( जिं ) चढे याना जिगु उपरे अनु-  
कम्पा-दया तथा ग्रहण याना विज्याहुँ ।



[ १४ ]

व्यञ्जन—पूजा

अधिवासेतु नो भन्ते ! व्यञ्जनं उपनामितं ।

अनुकम्पं उपादाय पटिगणहातु मुत्तम ॥

अर्थ—भन्ते ! छलपोलयात योग्यगु उत्तमगु  
थुगु व्यञ्जन ( जि ) चढेयाना जिगु उपरे अनु-  
कम्पा-दया तथा ग्रहण याना बिज्याहुँ ।

फल—मूल—पूजा

अधिवासेतु नो भन्ते ! खञ्जकं उपनामितं ।

अनुकम्पं उपादाय पटिगणहातु मुत्तम ॥

अर्थ—भन्ते ! छलपोलयात योग्यगु उत्तमगु  
थुगु फलमूल ( जि ) चढेयाना जिगु उपरे अनु-  
कम्पा-दया तथा ग्रहण याना बिज्याहुँ ।

त्रि चैत्य—वन्दना

वन्दामि चेतियं सब्बं, सब्बद्वानेसु पटिद्वितं ।



सारीरिकधातु महाबोधिं, बुद्धरूपं सकलं सदा ॥

अर्थ— दकभनं प्रतिस्थापित जुयाच्चवंगु सकल चैत्य हानं भगवान् बुद्धया शरीरयागु अस्थि महाबोधि वृत्त आदि सकल बुद्ध प्रतिमा यातनं ( जि ) वन्दना याना ।

क्षमा—याचना

कायेन वाचा चित्तेन, पमादेन मया कृतं ।

अक्षयं स्वम मे भन्ते ! भूरि पञ्ज तथागत ॥

अर्थ— हे भन्ते ! जि शरीर-वचन-मन द्वारा भुले जुया यानागु अपराध यात प्रज्ञावान् जुया बिज्याकह्ण छलपोलं जित क्षमा याना बिज्याहुं ।

प्रार्थना

इमाय बुद्ध पूजाय, कताय सुद्ध चेतसा ।

चिरं टिठ्ठतु सद्धम्मो, लोको होतु सुखी सदा ॥



अर्थ — शुद्ध चित्तं यानागु थुगु बुद्ध पूजा  
द्वारा लाभ जूगु पुण्यया प्रभावं सकल तथागतया  
सद्धर्मं चिरस्थायी ज्वीमा, सकल सत्वपिं सुखी  
ज्वीमा ।

इमाय बुद्ध पूजाय, यं पुञ्जं पसुतं मया ।  
सब्बं तं अनुमोदित्वा, सब्बेपि तुट्ठ मानसा ॥

अर्थ— थुगु बुद्ध पूजा यानागु द्वारा गुलि पुण्य  
जित लाभ जूगु खः, व फुकं पुण्य खना सकल  
सत्वपिं सन्तोष जुया अनुमोदन ( प्रसन्न ) या ।

पूरेत्वा दानसीलादि, सब्बापि दसपारमी ।  
पत्वा यथिच्छित्तं बोधिं, फुसन्तु अमत्तं पदं ॥

अर्थ— दानशीलादि दशपारमिता धर्मं व्याकपूरे-  
याना, थःगु इच्छानुसारं उत्तमगु बोधि प्राप्त याना,  
अमृत महानिर्वाण सुख अनुभव याय् फय्मा ।



इमाय धम्मानु धम्म पटिपत्तिया बुद्धं पूजेमि ।

अर्थ— थुगु धर्मानुकूलं धर्म आचरण द्वारा  
बुद्ध भगवान् यात पूजा याना ।

इमाय धम्मानु धम्म पटिपत्तिया धम्मं पूजेमि ।

अर्थ— थुगु धर्मानुकूलं धर्म आचरण द्वारा  
धर्मयात पूजा याना ।

इमाय धम्मानु धम्म पटिपत्तिया संघं पूजेमि ।

अर्थ— थुगु धर्मानुकूलं धर्म आचरण द्वारा  
संघ यात पूजा याना ।

अद्धा इमाय पटिपत्तिया जाति जरा

व्याधि मरणह्मा परिमुच्चिस्सामि ।

अर्थ— थव जिगु आचरण द्वारा अवश्य मेव  
जित जन्म जरा व्याधि मरणं छुटे जुई ।



इमिना पुञ्ज कम्मेन, मा मे बाल समागमो ।  
सतं समागमो होतु, यावन्निब्बान पत्तिया ॥

अर्थ—थुगु पुण्ययागु प्रभावं जित मूर्खपिं  
नाप वास याय् म्वाले मा, निर्वाण मथ्यंतले जित  
सत्पुरुषपिं नाप वास याय् दय्मा ।

इदम्मे पुञ्जं आसवक्खया वहं होतु ।  
इदम्मे पुञ्जं निब्बानस्स पच्चयो होतु ।  
इदम्मे पुञ्जं सब्बेसत्ता अनुमोदन्तु ।

अर्थ—

थुगु पुण्यया प्रभावं जिगु आश्रव क्षय व्वीमा !  
थुगु पुण्यया प्रभावं जि निर्वाणे ध्यनेमा !  
थुगु पुण्ययात सकलसत्त्वपिसं अनुमोदन यायमा ।

साधु !      साधु !!      साधु !!!

---



मैत्री भावना

सकल सत्वपीं सुखी ज्वीमा,  
निरोगी ज्वीमा, निदुःखी ज्वीमा ।

ज्ञातिपिन्त पुण्यदान

( स्वको बोनेगु )

इदं मे जातीनं होतु सुखिता होन्तु जातयो ।

ध्व जित प्राप्त जूगु पुण्य जिह्वा ज्ञातिपिन्त  
प्राप्त जुया इपिं सकलें सुखी ज्वीमा ।

देवतापिन्त पुण्यदान

( स्वको बोनेगु )

एतावता च अहोहि

सम्भतं पुञ्ज सम्पदं ।



‘सब्बे देवा’\* अनुमोदन्तु

सब्ब सम्पत्ति सिद्धिया ॥

आःतक जिमिसं गुलि पुण्य सम्पत्ति लाभ  
यानागु खः, उगु पुण्य सम्पत्ति यात सर्व प्रकार  
यागु सम्पत्ति सिद्ध यायूगु इच्छा याना चवंपिं ❀  
‘सकल देवतापिसं अनुमोदन या ।

साधु !

साधु !!

साधु !!!

\* निको खुसी धायूगु बखते ‘सब्बे देवा’ धका  
बोनेथाय ‘सब्बे भूता’ धका बोनेगु । स्वकोखुसी  
उगुहे थासे ‘सब्बे सत्ता’ धका बोनेगु ।

\* निको खुसी यागु अर्थ सकल ‘देवतापिसं’  
धैगु थासे सकल भूतपिसं धैगु अर्थ जुई । स्वको  
खुसी यागुली सकल सत्त्वपिसं धैगु अर्थ जुई ।



## मङ्गल सुत्तं

यं मङ्गलं द्वादस हि, चिन्तयिंसु स-देवका ।  
 सोत्थानं नाधिगच्छन्ति, अट्टतिसञ्च मङ्गलं ॥  
 देसितं देव देवेन, सब्ब पाप विनासनं ।  
 सब्ब लोक हितत्थाय, मङ्गलं तं भणाम हे ॥

एवं मे सुत्तं — एकं समयं भगवा  
 सावत्थियं विहरति जेतवने अनाथ-पिण्ड-  
 कस्स आरामे । अथ खो अज्जतरा देवता  
 अभिकन्ताय रत्तिया अभिकन्त वण्णा  
 केवल-कप्पं जेतवनं ओभासेत्वा येन भगवा  
 तेनुपसङ्कमि उपसङ्कमित्वा भगवन्तं अभि-  
 वादेत्वा एकमन्तं अट्ठासि एकमन्तं ठिता



खो सा देवता भगवन्तं गाथाय अज्झमासि—

वहू देवा मनुस्सा च, मङ्गलानि अचिन्तयुं ।  
 आकङ्खमाना सोत्थानं, ब्रूहि मङ्गलमुत्तमं ॥ १  
 अ-सेवना च बालानं, पण्डितानश्च सेवना ।  
 पूजा च पूजनेय्यानं, एतं मङ्गलमुत्तमं ॥ २  
 पतिरूप देस-वासो च, पुब्बे च कत-पुञ्जता ।  
 अत्त-सम्मा-पणोधी च, एतं मङ्गलमुत्तमं ॥ ३  
 बाहुसच्चश्च सिपश्च, विनयो च सुसिक्खितो ।  
 सुभासिता च या वाचा, एतं मङ्गलमुत्तमं ॥ ४  
 माता पितु उपट्ठानं, पुत्त दारस्स सङ्गहो ।  
 अनाकुला च कम्मन्ता, एतं मङ्गलमुत्तमं ॥ ५  
 दानश्च धम्म चरिया च, जातकानश्च सङ्गहो ।  
 अतवज्जानि कम्मानी, एतं मङ्गलमुत्तमं ॥ ६



आरती विरती पापा, मज्ज-पाना च संयमो ।  
 अप्पमादो च धम्मेषु, एतं मज्जलमुत्तमं ॥ ७  
 गारवो च निवाटो च, सन्तुट्ठी च कतञ्जुता ।  
 कालेन धम्मस्सवणं, एतं मज्जलमुत्तमं ॥ ८  
 खन्ती च सो-वचस्सता, समणानश्च दस्सनं ।  
 कालेन धम्म साकच्छा, एतं मज्जलमुत्तमं ॥ ९  
 तपो च ब्रह्मचरियश्च, अरिय-सच्चान दम्सनं  
 निब्बान सच्छि-किरिया च, एतं मज्जलमुत्तमं ॥  
 फुट्ठस्स लोक धम्मो हि, चित्तं यस्स न कम्पति ।  
 अ-सोकं वि-रजं खेमं, एतं मज्जलमुत्तमं ॥ ११  
 एतादिसानि कत्वान, सब्बत्थ म-पराजिता ।  
 सब्बत्थ सोत्थि गच्छन्ति, तं तेसं मज्जलमुत्तमं ॥

मज्जल-सुत्तं निष्ठितं



## पञ्च सुशील व दुशीलया फल

संसारे दुःख फुका सुख ज्वीके यःसा  
पञ्च शील यात सदानं पालन या ।

पञ्च शील धैगु न्यागू नेम ज्वनेगु खः ।

- ( १ ) प्राणातिपात— हिंसादि कर्म मयायूगु ।
- ( २ ) अदिन्नादान— छुं वस्तू मवीकं मकायूगु ।
- ( ३ ) कामेसु मिथ्याचार— पर स्त्री पर पुरुष  
भजे मयायूगु ।
- ( ४ ) मुसावाद— मूढा खँ महायूगु ।
- ( ६ ) सुरा मेरय— ऐला थ्वँ गजि आदि मतोनेगु ।

१. ( प्राणातिपात ) प्राणिया उपरे हिंसादि  
कर्म मयाइह्य सित थुगु लोक पर लोक निथासं  
हित सुख ज्वीगु दृष्टान्त खनेदु ।



आः थन विचारणीयगु खँ छगू छु धाःसा—

पशु-पक्षिपिन्त स्यात धाःसा दण्ड सभा मदु  
 धाल, स्याय् धैगुली सी योपिं सुंहे दैगु मखु, सी  
 मय्क मय्क स्याना छोयागुया पाप मदयके धका  
 द्योया थासे स्यानागु धर्म धका धयां व प्राणिया  
 कष्ट पीडा मजूसाला अथेहे खै, व प्राणिया कष्ट  
 पीडा जूसा पाप मदु धयां थव खँ ज्वी फैगु खः  
 ला?, जुजुं दण्ड सभा याःसां मयाःसां न्याः  
 अन्याया फल बिया चोपिं नवग्रहतसेला परलोक  
 धाःसां थव हे लोके जन्म कुण्डले च्वना उकिया  
 फल मबीहे मखु !

२. ( अदिन्नादान ) सेपिनिगु छुं वस्तू मबीकं  
 मकाल धाःसा थुगुलोक परलोक निथासं हित  
 सुख ज्वीगु दृष्टान्त खनेदु ।

यदि सुयागुं वस्तू धन सम्पत्ति खुया वा  
 जवरजस्ति काल धाःसा जुजुं यंका दण्ड सभा



बिहेबी, यदि जुजुं मखंक खुल वा जबरजस्ति  
काल धाःसा न्याः अन्याया फल बिया चोंपि  
नवग्रहनं मखंक सुनानं काय फैगु मखु, यदि  
कालहे धाःसा परलोक धाःसां थुगु लोके जन्म  
कुण्डले च्वना च्वंपिं नवग्रह तसें दरिद्र ज्वीगुया  
फल बियाहे है च्वनी !

३. ( कामेसु मिथ्याचार ) पर स्त्री पर पुरुष  
भजन याना मज्वीगुली थुगु लोके परलोके हित  
सुख ज्वीगु दृष्टान्त खनेदु ।

यदि थःह्य स्त्री तोता थःह्य पुरुष तोता मेपिं  
भजे याना जुल धाःसा थुगु लोके जुजुं सभा  
याकै । यदि सुनानं मखंक याना जुल धासां न्याः  
अन्याया फल बिया च्वंपिं नवग्रहनं मखंक सुनानं  
याये फैमखु, यदि यात धाःसां उकिया फल थुगु  
लोकेनं हीनगु कूल जुया, परलोकेनं हीनगु कूले  
प्राप्त जूवनी ।



[ २७ ]

४. ( मुसावाद ) मूठगु खँ गबलें मल्लासा  
ध्व हे लोके पर लोके हित सुख उवीगु दृष्टान्त  
खनेदु ।

यदि मूठगु खँ लहाना जुल धाःसा भकरा जुया  
दण्ड सभा फया लोके पत्यार मदुह्य जुया वनी,  
यदि व मूठगु खँ लोके त्वपुया तयफुसां जन्म  
कुण्डले चवना न्याः अन्याया फल बिया चवंपिं  
नवग्रहया उपरे त्वपुया तयफैगु मखु, थन अन  
निथासं उकियागु फल बिया हे चवनी ।

५. ( सुरा मेरय ) ऐला ध्वँ गजि आफिं आदि  
अमल लगेउवीगु गबलें मत्वंसा थुगु लोक पर  
लोक निथासं हित सुख उवीगु दृष्टान्त खनेदु ।

अमल धका धाःगु हे त्वं त्वं लिसे त्वनेमाला  
वैगु, मत्वंसे हे चवने मफै वैगु, आपा उवी बले  
भापे हे मफैगु, भापे मफैबले वं पञ्च महापाप या-  
येत हे मग्गासे शूर दया वैगु, व अमल त्वना



यानागु पाप अमलं यंकैगु मखु, त्वंहास्यं हे थुगु  
लोक पर लोक निथासं भोग याय् मालीगु ।

## उकिं सीके माल कि—

पञ्च दुशील धैगु न्यागु दुःख ज्वीगुया कारण  
व हे प्राणिपिन्त स्यायगु १, मेपिनिगु वस्तू मबीकं  
हेका खुया छल कपटयाना जवरजस्ति याना का-  
येगु २, मेपिनि स्त्री मेपिनि पुरुषपिन्त भजेयाना  
ज्वीगु ३, मूठगु खँ हाना ज्वीगु ४, ऐला थ्वँ गजि  
आफिं त्वना ज्वीगु ५ ।

थ्वन्यागू याना जूपिन्त हे जक थन लोकेनं  
जुजुं इमित सभा बियत थाना मेलखाना दय्का  
नेव आदि तया दण्ड सभा बिया च्वंगु खः, पर  
लोकेनं ग्रह गतिं जन्म कुण्डले च्वना उकियागु  
फल भोग बिया हे च्वंगु ।

धनी, गरीप, सुखी, दुःखी, मानी, अपमानी,  
रोगी, निरोगी, हीनकल, उत्तमकूल, मालीक, दा-



सी, देव, मनुष्य, तिर्यक, बुद्धी, निर्बुद्धी, अभिमानि, शान्ती, हिंसक, अहिंसक, साधु, असाधु आदि नाना रकमया फल भोग याः वयाच्चवंपिं सकल लोक धाकोहे थव कर्म अकर्मया फलंहे दैवं चवं चवंगु खः । उकिं कुशल कर्म व अकुशल कर्म निगुया हे संसार ।

पञ्च दुशीले चवना चाःहिलेगु दुःख । पञ्च सुशीले चवना चाःहिलेगु सुख । निगुयातं तोता वनेगु मोक्ष निर्वाण खः । आः थुकि विचारणीयगु खँ दुःख ज्वीगु फल भोग सुनानं काइगु मखु । सुख ज्वीगु फल भोग यथिजाहसित बूसां खुसि पूर्वकं काई । उकिं निम्हेसितं तचोगु लाभ ।

आः दृष्टान्त खने दुगु सुयां काय् म्हाय्पिसं पञ्च शीलस्यंका खुया काल धाःसा वया मां बौपिसं थव मचा जिमिसं ब्वीका तैह्य, जिमिसं नका तीका त्वंका लहिना तैह्य धका धयां व मचा



व मां बौ पिनिह्व ज्वीला ? जुजुं यंका यायमागु  
 दण्ड-कुण्ड सभा मयाइला ? याहे याई । बध्यं हे  
 थुगु लोक तोता वना, परलोक धैगु मेगु जन्म जू  
 वनीगुली याना यानागु कर्म विपाक फल बीमा-  
 गुलिं प्रहगति कुण्डले च्वना कर्मानुसार फल  
 व्यूगु थन हे लोके वया भोग भुक्ते याना च्वंगु  
 लोक खः । उकिं लोके पञ्च शील ज्वना, दु शील  
 तोता जन्म हनेगु उपाय हे धर्म खः, पञ्च शील  
 खंका च्वनेगु हे पाप खः ।

थ्व त्रिरत्न धैह्व (बुद्ध धर्म संघ) यात पूजा  
 यायगु हे पञ्च शीले च्वना काय वाक चित्तं याई-  
 गु दशांकुशल पाप तोता हे जक वसपोल पिनिगु  
 पूजा ह्वीगु । प्राणाति पाप, अदिघ्नादान, कामेसु  
 मिथ्याचार ३ थ्व ख्वंगू कायं याईगु पाप । मुसा-  
 बाद, पारुष्य, संभिन्न, संप्रलाप ४ थ्व प्यंगू वाकं



याईगु पाप । करपिनि मज्जुसा हर्ष उवीगु, उयूसा  
सहयाय मफैगु, थःत थमं हामसीका मेपिनागु  
शरणे वनेगु ३ थ्व स्वंगू चित्तं याईगु पाप जुल ।

थ्व भितापाप तोता काय वाक चित्त शुद्ध  
याना शरण वंसा तथागत अरहत सम्यक्सम्बुद्ध  
या ज्ञान याकनं प्राप्त उवी फै । पञ्च शील स्यंगु  
पूजा विधिंला अविद्या अन्धकार हे जक प्राप्त उवी,  
निर्बाण यागु खँ ला गन काः वनेगु ।

॥ इति शुभम् ॥

सकल लोके शान्ति, स्वस्ति, वृद्धि उवीमा ।



# पुण्य या लागी

थुगु सफूयात आय

## चन्दा- दायकपिनिगु नामावली

धर्मालोक, अनिरुद्ध ३०।	मुदिता, शरणशीला १।
विवेकानन्द, सुबोधानन्द ४।	ज्ञानिन्द्र, शरणलाल १४।
सुमन, संवर, महापन्थ ३।	ज्ञानशीला, सत्यशीला,
धर्मपाल, मेधंकर २।	ज्ञानी, तिरिमी १।
दामोदर, हस्तिरत्न ५।	ज्ञानमाया, लक्ष्मिमाया,
केशरत्न ७।	कृष्णमाया १।
भाजुरत्न भोँ ३।	हीरामाया, तुलसिमाया १।
बालकुमारी, हर्षलक्ष्मी २।	लतमाया, हीरामाया १।
विमला देवी, अष्टरत्न ३०।	हर्षशोभा, सानुमाया १।
धर्मानन्दि, हर्षलक्ष्मी २।	अष्टरत्न, बुद्धरत्न १।
चन्द्र, कालिनानी २।	धर्मचारि, विरति,
मानरत्न, रत्नमाया १।	विमुखा ३।
भाइकाजी २।, गणेश ३। ५।	रत्नदेवि, रत्नमाया २।
कर्मशोभा १०।	भक्तिलाल, तिर्थनारां १।



हेरामाया, नानिछोरी,	ब्रह्मानन्दि, द्योमयजु,
जगतमाया २।	रत्नमाया, हरिवदन ४।५०
देवमाया, कृष्णमाया,	आशामाया, झानी १।
दानमाया ३।, वीरशोभा १। ४।	विशाखा, पुण्यमाया १।
द्योमयजु, लक्ष्मीकुमारी,	कृष्णलक्ष्मी मोक्षिया ६।७०
लक्ष्मीहेरा ४।	बेतिमां, न्हुछेवहादुर २।
तारादेवी, चन्द्रमाया,	चन्द्रलक्ष्मी १।
लानिमाया, हेरा ४।	मोतिमाया २।
कुञ्जवहादुर, साँहिला २।	बर्मपालि, पारमी २।
लक्ष्मीनानी २।	पुण्यमाया, आशामाया,
व.रामलाल, जगतरत्न १०।	दसचा १।२०

आय जम्मा १७६।

थुगु सफू ३००० या वयय

२० X ३० सा. भो<sup>०</sup> रीम ३ या दां ६६।

" जित्ला " पा: १८६ या " ३०।२४

आल: था:गुया व्याला " ७२।

ध्या. सु. चा. या " १२।

वयय जम्मा १८०।२४





मुद्रक-

श्रीवागीश्वर-छापाखाना

नेपाल ।